

後  
漢  
書  
疏  
證

後漢書疏證卷二十三

吳 沈欽韓撰

漢中郡

魏志建安二十年復漢甯郡為漢中

州郡志疑是此前改漢中曰甯也按

張魯傳領漢甯太守羣下欲尊魯為漢甯王則在張魯時改曰漢甯復何疑

分漢中之安陽

西城為西城郡

水經注漢末為西城郡建安二十四年劉備以申儀為西城太守魏文帝改為

魏興郡州郡志平陽縣魏立又晉地記改廣昌為庸昌在太康元年疑是魏立

分錫上庸郡

字置都尉

按劉封傳申耽領上庸都尉當即昇為郡故劉封傳云進攻上庸太守申耽舉眾降是也

太和二年分新城之上庸武靈巫縣為上庸郡

按此前

陳壽不列者蓋初立郡而歸蜀或為蜀置史家書太守申耽或從後追稱既而孟達降魏則又歸併新城郡既

破孟達乃復分立故於是年著之州郡志建始縣魏立

晉武改曰微陽其武靈巫縣則先所立也武陵本前漢

舊縣靈錫縣為錫郡晉宋志錫縣屬魏興四年省上庸

當為陵錫縣則此從魏興分立郡州郡志蓋未為此條景初元年分魏興之魏陽此縣

郡故云疑是太和後省無錫郡之安富上庸為上庸郡省錫郡以錫縣屬魏

興郡魏興郡前此不著西城水經注房陵縣漢末為房

陵郡華陽國志孟達降魏魏文帝合西城上庸房陵三

郡為新城以達為太守司馬懿平達又分為二郡房陵

亦見劉州郡志新城郡魏文帝分立綏陽昌魏祈鄉三

封傳孟達降魏魏改房陵郡為新城郡水經注孟達為太

守亦言其治房陵按晉書則司馬懿破達於上庸按

西城上庸房陵三郡之設約略並時而陳壽不言魏興

所由改新城所由始沈約又以魏興上庸但指文明二  
帝所立了不及從前原委皆其疏謬者也

### 南鄭

通典梁州

元和志興元元年德宗遷幸改爲興元府

南鄭縣漢舊縣漢故郡

城立縣東北

州郡志魏景元四年平蜀立梁州江漢中

滅復舊宋元嘉十年刺史蕭思話還治南鄭

水經汪南鄭大城周四十二里

城內有小城南憑津流北結環雉金墉濬井皆漢所修

築晉咸熙中梁州刺史司馬勳斷小城東面三分之一

以爲梁州縣治水南卽漢陰城有廉水出巴嶺山北注

漢水漢水曰合池水水出旱山山下有列石十二

寰宇記山

在縣西南二十里周地圖記云山上有雲則雨故諺云牛頭戴旱山晦家中乾穀莫相貸旁有石牛十二頭

漢水又東逕胡城南

地形志漢陰縣有胡城

又東黑水注之水出

北山南流入漢庾仲雍曰黑水去高橋三十里諸葛亮

牋云朝發南鄭暮宿黑水四五十里指明是也魏志張

郃傳留郃與夏侯淵等守漢中進軍宕渠爲張飛所拒

引還南鄭蜀志法正傳二十二年正說先主曰曹操一

舉而降張魯定漢中不因此勢以圖巴蜀而留夏侯淵

張郃屯守身遽北還此非其智不逮而力不足也必將

內有憂故耳今策淵郃才略不勝國之將帥舉眾往討

必可克之克之日廣農積穀觀釁伺隙上可以傾覆寇

賊尊獎王室中可以蠶食雍涼廣拓境土下可以固守

要害爲持久之計此蓋天以與我時不可失先主善其

策乃率諸將進兵漢中

黃權傳權曰若失漢中則三巴不振此爲割蜀之股臂也楊洪

傳先主爭漢中急書發兵洪曰漢中則益州咽喉存亡

之機會若無漢中則無蜀矣此家門之禍也方今之事

男子當戰女子當運發兵何疑魏延傳先主當得重將

以鎮漢川眾論以爲必在張飛飛亦以心自許先主乃

拔延爲督漢中鎮遠將軍領太守一軍盡

驚五年諸葛亮駐漢中更以延爲司馬

晉書李雄載

記遣李國李雲等率眾二萬寇漢中梁州刺史張殷奔

於長安國等陷南鄭盡徙漢中人於蜀符堅載記晉梁

州刺史楊亮遣子廣襲仇池與堅將楊安戰廣敗績晉

沮水諸戍皆委城奔潰亮懼退守磐險安遂進寇漢川

堅遣王統朱彤率眾卒二萬爲前鋒寇蜀楊亮率巴獠  
萬餘拒之戰於青谷王師不利亮奔固西城彤乘勝陷  
漢中

胡三省以青谷爲  
安陽之清水谷

### 成固

元和志興元府成固縣本漢舊縣故城在縣東六里晉  
平譙縱梁州刺史嘗理於此又洋州西鄉縣本成固縣  
地先主分成固立南鄉縣爲蜀重鎮晉改爲西鄉

州郡志西

鄉蜀立  
曰南鄉

又興道縣後魏宣帝分置興勢縣理在興勢山

上地形志延

昌三年置又洋源縣本西鄉縣武德七年析置水經

注壻水南歷壻鄉溪出山東南流逕通關勢南山高百

餘丈上有匈奴城方五里蕭何守漢中欲脩北道通關  
中故名爲通關勢堰水逕樊噲臺南又東南逕大成固  
北城乘高勢北臨堰水堰水逕其城東而南入漢水漢  
水又東會益口東至儻城南隋志舊置儻城郡與洛谷水合谷  
北通長安元和志儻谷一名駱谷在興道縣北三十里南口曰儻谷北口曰駱谷右則漢  
水注之漢水又東逕小城固南州治大成固福縣北故  
曰小城固城北百二十里有興勢阪諸葛亮出洛水谷  
成興勢置烽火樓處通照漢水元和志興勢山在興道縣北二十里據酈氏於  
漢中地名山爲勢別加山字非蜀志建興八年秋魏使司馬懿由西城  
張郃由子午曹真由斜谷欲攻漢中丞相亮待之於城

固赤阪太雨道絕眞等皆還胡三省曰赤阪在今洋州東二十里龍亭山按地形

志晉昌郡有龍亭縣王平傳延熙七年魏大將軍曹爽率步騎十

餘萬向漢川前餘已在駱谷時漢中守兵不滿三萬諸

將大驚或曰今力不足以拒敵聽當固守漢樂二城遇

賊今入比爾閒倍軍足得救關陽安關也陳壽於平曰此致不成文理平曰

漢中去倍千里賊若得關便爲禍也今宜先遣劉護軍

杜參軍據興勢平爲後拒若賊分向黃金平率千人下

自臨之比爾閒倍軍行至是時蔣琬自漢中總軍住涪此計之上也

惟護軍劉敏與平意同卽便施行涪諸軍及大將軍費

偉自成郫而至魏軍退還如平本策夏侯淵傳注子霸子午之

役霸爲前鋒進至興世園安營在曲谷中蜀人望一知是霸下兵攻之霸手戰鹿角閒賴救至然後解

### 西城

通典金州西城縣漢舊縣又平利縣漢西城縣地

寰宇記晉

置上廉縣尋改爲吉陽武德元年再於上廉城置平利縣舊唐志後周於平利川置吉陽縣隋改爲安吉武德元年改爲平利按晉志上庸郡有上廉縣沈志上庸郡吉陽縣不言上廉所改隋志金川縣舊爲吉安

寰宇

宇記金州石泉縣本西城縣地周武成三年併晉昌郡

所理諸縣爲永樂於舊長樂縣所理處續改名石泉

隋志

石泉舊曰永樂州郡志魏興有長樂縣

水經注漢水右得大勢勢阻急溪

亦曰急勢依山爲城城周二里在峻山上梁州督護吉

挹所治

寰宇記縣南九里有吉挹城

漢水又東逕西城縣故城南漢

末爲西城郡魏文帝改爲魏興郡治西城縣之故城氏

略漢川梁州移治於此漢水又東合旬水東南流逕平

陽成旬水又東南逕旬陽縣南

州郡志旬陽縣前漢有後漢無晉太康四年復

立按當是并入西縣北山有懸書崖高五十丈刻石作

字人不能上山下有石壇上有馬跡五所名曰馬跡山

旬水東南注漢謂之旬口

蜀志申儀降魏爲魏興太守屯洵口漢水又東

逕木蘭寨南右岸有城名伎陵城

明志興安州洵陽縣西有伎陵城周

迴數里左岸壘石數十行重壘數十里中謂是處爲木

蘭寨云吳朝遣軍救孟達於此晉書宣帝紀初申儀入

立魏興專威疆場輒承制刻印多所假授達旣誅有自

疑心時諸郡守以帝新克捷奉禮來賀皆聽之帝使人

諷儀儀至問承制狀執之歸於京師按此與魏略所載見中儀勸使朝者

異張光傳梁州刺史張殷遣巴西太守張燕討秦州流

人鄧定等定僞乞降於燕并餽燕金銀燕喜爲之緩師

定密結李雄雄遣眾救定燕退定遂進逼漢中太守杜

正冲東奔魏興殷亦棄官而遁光不得赴州光爲梁州刺史止

於魏興乃結諸郡守共謀進取燕唱言曰漢中荒敗迫

近大賊剋復之事當俟英雄正冲曰張燕受賊金銀不

時進討阻兵緩寇致喪漢中實燕之罪光於是發怒呵

燕令出斬之以徇庾懌傳轉輔國將軍梁州刺史假節鎮魏興符堅載記梁

州刺史韋鍾寇魏興攻太守吉挹於西城

吉挹傳符堅將韋鍾攻魏

興挹遣眾拒之斬七百餘級鍾率眾欲趣襄陽挹又邀

擊斬五千餘級鍾怒迴軍圍之挹又屢挫其銳其後賊

眾繼至挹力不能抗城將陷引刀欲自殺友人

逼奪其刀會賊執之挹閉口不言不食而死

宋書傳

弘之傳盧循作亂恒石綏自洛甲口

水經注漢水又東合甲水口水出秦

嶺山東南逕魏興郡之興晉縣南右入漢水

自號荊州刺史徵陽令王天恩

自號梁州刺史襲西城弘之討石綏等并斬之

### 褒中

通典梁州褒城縣漢褒中縣漢陽平關在西北

按陽平關當立

漢沔陽縣唐之西縣元和志縣當斜谷大路

州郡志作苞中按地形志後罷永平時復置

水經注漢

水東合褒水水西北出衙嶺山

褒字記衙嶺山在縣西北九十八里褒水斜水

源并出此東南逕大石門歷故棧道下谷俗謂千梁無柱宇

記斜谷路至鳳州界一百五十里有橋閣二諸葛亮與千九百八十九間板閣二千八百九十二間

兄瑾書云前趙子龍退軍燒壞赤崖以北閣道頃大水

暴出赤崖以南橋閣悉壞時趙子龍與鄧伯苗芝鄧一戍

赤崖屯田一戍赤崖口趙雲別傳曰雲有軍資餘絹亮使分賜將士雲曰軍事無利何

為有賜其物請悉入赤崖府庫須十月但得緣崖與伯為冬賜亮大善之按赤崖當即赤崖也

苗相聞而已褒水又東南逕三交城又歷小石門門穿

山通道六丈有餘刻石言漢明帝永平中司隸校尉犍

為楊厥之所開隸釋犍晚出楊淮碑亦有楊君厥諱淮之稱此云厥字孟文厥非名蜀都

賦曰阻以石門門在漢中之西褒中之北褒水東南歷

褒口又南逕褒中縣故城東南流入於漢漢水又東逕萬石城下城在高原上原高十餘丈其城宿是流雜聚居故世亦謂之流雜城蜀志魏延傳注夏侯楹爲安西將軍鎮長安亮於南鄭與羣下計議延曰聞夏侯楹少主壻也怯而無謀今假延精兵五千負糧五千直從褒中出循秦嶺而東當子午谷而北不過十日可到長安楹聞延奄至必乘船逃走長安中惟有御史京兆內史耳比東方相合聚尙二十餘日而公從斜谷來必足以達如此則一舉而咸陽以西可定矣亮以爲此縣危不如安從坦途道可以平取隴右故不用延計十二年亮

卒延率所領逕先南歸所過燒絕閣道延與楊儀各相  
表叛逆一日之中羽檄交至蔣琬董允咸保儀疑延儀  
等槎山通道晝夜兼行亦繼延後延先至據南谷口遣  
兵逆擊儀等宋書氏胡傳益州刺史毛璩討桓玄所置  
梁州刺史桓希希敗走漢中空虛楊盛遺兄子平南將  
軍撫守漢中九年梁州刺史索邈鎮南城州郡志譙縱  
滅刺史還治  
漢中之苞中縣  
所謂南城也

沔陽

元和志興元府西縣本後漢沔縣地後魏分置嶧冢隋  
大業二年改爲西縣百牢關在縣西南三十步寰宇記  
沔陽縣

故城在縣東南十六里開皇三年廢按郡國縣道記云  
西本名白馬城因山以爲名縣又曰濇口城宋於此城  
僑立華陽郡水經注沔水又東逕白馬戍南濇水入焉水北

發武都氏中南逕張魯城東濇水又南逕張魯治東水  
西山上有張天師堂東對白馬城一名陽平關濇水南

流入沔謂之濇口其城亦曰濇口城沔水又東逕武侯

壘南又東逕沔陽縣故城南城舊言蕭何所築地形志華陽縣

有蕭何城漢建安二十四年劉備北定漢中始立壇卽王位

於此南對定軍山諸葛亮葬於此塋東卽八陣圖也沔

水又東逕西樂城北城在山上周三十里甚險固謂之

容義谷道通益州山多羣獠諸葛亮築以防遏梁州刺

史楊亮以卽險之固保而居之爲符堅所敗

按晉書所謂楊亮退

守磬險者疑卽此傳誤

城東容襄溪水注之俗謂之洛水水南道

巴嶺山東北流水左有故城憑山卽險四面阻絕昔先

主遣黃忠據之以拒曹操魏志張魯傳太祖自散關出

武都征之至陽平關魯欲降其弟衛不肯率眾數萬人

拒關堅守

通鑑建安二十年初操乘涼州從事及武都

不可守也信以爲然及往魯弟衛率眾數萬人拒關堅

守橫山築城十餘里臨履不如所聞乃歎曰他商度少

如人意攻陽平山上諸屯山峻難登旣不時拔士卒傷

夷者多軍食且盡操意沮便欲拔軍截山而還遣大將

軍夏侯惇營中將許褚呼山上兵還會前軍夜迷惑誤入

張衛別營營中大驚退散侍中辛毗主簿劉曄等在兵

後語惇言官兵已據得賊要屯賊已散走猶不

信之惇前自見乃還白操進兵攻衛衛等夜遁

蜀志

先主次于陽平關與夏侯淵張郃等相拒二十四年春  
自陽平南渡沔水緣山稍前于定軍山勢作營淵將兵  
來爭其地先主命黃忠乘高鼓譟攻之大破淵軍斬淵  
及所署益州刺史趙穎等諸葛亮傳建興五年率諸軍  
北駐漢中屯於沔陽營沔陽平石馬七年冬徙府營於南山下原上築漢樂二城按石馬蓋卽酈注之白馬通鑑云築漢城于沔陽樂城于成因今按陳壽所稱總在沔陽疑酈注之洛水左故城卽漢城也趙雲別傳曰夏侯淵敗曹公運米北山下數千萬囊  
也黃忠以爲可取雲兵隨忠取米忠過期不還雲將數十  
騎迎視忠等值曹公楊兵大出雲勢偏遂前突其陣公  
軍散已復合雲陷敵圍將張著被創雲復還迎著公軍

追至沔陽長張翼欲閉門拒守而雲入營更大開門偃  
旗息鼓公軍疑雲有伏兵引去雲雷鼓震天惟以戎弩  
射公軍軍驚駭自相蹂踐墮漢水中先主明旦自來至  
雲營圍視乍戰處子龍一身都是膽也

水經注漢水又  
左得渡口水出

陽平北山  
卽此北山

王平傳伐吳臺督漢中延熙元年大將軍蔣

琬住沔陽平更爲前護軍署琬府事姜維傳初先主留  
魏延鎮漢中皆實兵諸圍以禦外敵使不得入興勢之  
役王平捍拒曹爽皆承此制維建議以爲錯守諸圍雖  
合周易重門之義

如此則  
固善矣

然適可禦敵不獲大利不若

使聞敵至諸圍皆斂兵聚穀退就漢樂二城使敵不得

入平且重關鎮守以捍

姜維失策陳壽語亦復不了

有事之日今游

軍并進以伺其虛敵攻關不克野無散穀千里懸糧自然引退然後諸城并出與游軍并力搏之此殄敵之術也於是令督漢中胡濟卻住漢壽監軍王含守樂城護軍蔣斌守漢城鍾會統十餘萬眾分從斜谷駱谷入魏興太守劉欽趨子午谷諸軍數道平行蜀令諸圍皆不得戰退還漢樂二城守會使護軍荀愷前將軍李輔各統萬人愷圍漢城輔圍樂城會徑過西出陽安口使護軍胡烈等行前攻破關城

按此陽安關蓋卽陽平關

宋書氏胡傳姚

興遣將王敏攻口城梁州別駕呂營求救于楊盛盛遣

軍次澧口敏退又楊難當舉兵襲梁州破白馬獲晉昌

太守宋範

安陽

通典洋州黃金縣安陽縣地故黃金城在縣西北八十

里張魯所築

南齊書高帝紀黃金山張魯成南接漢川北枕驛道險固之極

西魏置今

縣又金州安康縣漢安陽縣晉改安康

地形志安康二漢曰安陽漢末

省魏復武帝更名州郡志晉太康元年更名寰宇記漢建安二十年魏武仍于安陽西城置都尉治故城在今

縣西二十四里唐至德二年改爲漢陰

寰宇記洋州真符縣本安陽縣地

開元十八年於此置華陽縣天寶八年王鉷奏開清水

谷路鑿山得玉冊因改名真符水經注漢水東逕媯墟

灘是地於西城爲西北又東逕猴逕灘又東逕山大黃

金南山有黃金峭

元和志黃金水出黃金縣西北百畝山黃金谷南流經縣西去縣九里

水北對黃金谷有黃金戍傍山依峭險折七里氏涼漢

中阻此爲戍與鐵城相對

元和志鐵城在縣西北八十里漢水又東合

籛餘溪口水北出就谷在長安西南南流逕巴溪陽都

阪自上及下盤折十九曲西連寒泉嶺晉書張光傳王

如餘黨李運楊武等自襄陽將三千餘家入漢中光遣

參軍晉邈率眾于黃金距之宋書蕭思話傳楊難當寇

漢中思話督梁南秦二州旣行聞甄法護委鎮北奔西

城遣司馬蕭諱

南齊書皇考諱承之爲思話橫野府司馬

五百人前進又遣

西戎長史蕭汪之係之諱緣路收合士眾得精兵千人

難當焚掠漢中引眾西還畱其輔國將軍趙溫守梁州

魏興太守薛健據黃金諱進屯礮頭水經注漢水東歷放頭舊立倉儲之

所傍山通道水陸險要字遣陰平太守蕭坦赴黃金

薛健副姜寶據鐵城鐵城與黃金相對去一里斫機塞

道坦進攻二成拔之趙溫又率薛健及蒲早子來攻坦

營坦奮擊大破之賊退保西水水經注諱司馬錫文祖作西水

進據黃金蕭汪之步騎五百相繼而至臨川王義慶遣

龍驤裴方明三千人赴諱等進黃金早子健等退保

桃思話先遣參軍王靈濟率偏軍出洋川因向南城即

中偽陵江將軍趙英堅守險靈濟擊破之生禽英南城

空虛因資無所復引軍還與諱合諱率眾進據峨公固

南齊書皇考難當遣其子和率趙溫蒲早子及左衛將

進至峨公山軍呂平等步騎萬餘跨漢津結寨其間立浮橋悉力攻

諱合圍數十重短兵接戰弓矢無復用賊悉衣犀甲戈

矛所不能加諱乃截稍長數尺以大斧椎之一稍輒貫

十餘賊賊不能當因大敗燒柴奔走退據大桃諱及方

明臺軍至龍驤將軍楊平興幢主殿中將軍梁坦直入

角弩追之賊又敗走殺傷虜獲甚多漢中平悉奴沒地

置戎葭萌水

華陽志柳隱遷漢中黃金圍督鍾會伐蜀人漢川圍守多下惟隱堅壁不動後主既

降以手令赦  
隱乃詣會

# 錫

元和志均州即鄉縣本漢錫縣

州郡志錫縣太康五年改爲鄉又有錫縣前

漢長利縣後漢省太康四年復立五年改長利爲錫隋志梁置南上洛郡西魏改曰豐利水經注漢

水東逕魏興郡之錫縣故城北爲白石灘縣有錫義山

方圓百里形如城漢水又東逕長利谷南入谷有長利

故城舊縣也又東逕鄉縣故城南即長利之鄉鄉矣

又東逕琵琶谷口梁益二州分境於此謂之琵琶界

又

漢水又東平陽川水注之水出武當縣北伏親山南歷平陽故城下南流注於沔按州郡志興晉縣魏立曰平陽攷徐晃傳與夏侯尚討劉封於上庸破之以晃鎮陽平此陽平當是平陽之訛魏益分錫縣之東境置非張

魯所據  
之陽平

# 上庸

元和志房州竹山縣本漢上庸縣後魏改置竹山縣又

上庸縣蕭齊武帝分上庸縣於此立新豐縣後周改爲

孔陽

隋志開皇十八年復爲上庸寰宇記古上庸城在此縣東四十里後漢省曹魏更立按魏志曹魏於此

置都尉漢末嘗省

水經注堵水東北逕上庸郡城三面際水堵

水又東逕方城亭南蜀志劉封傳孟達進攻上庸先主

陰恐達難獨任乃遣封自漢中乘沔水下統達軍與達

會上庸上庸太守申耽舉眾降先主加耽征北將軍領

上庸太守

魏略曰申耽初在西城上庸開聚眾數千家遣使詣曹公曹公加其號爲將軍因使領上

庸都尉至建安末爲蜀所攻以其郡西屬蜀

封與達忿爭不和封奪達鼓吹

達率所領降魏文帝合房陵上庸西城三郡達領新城太守遣夏侯尙徐晃與達共襲封申儀叛封封破走還成都申耽降魏晉書宣帝紀孟達連吳固蜀潛圖中國帝乃潛軍進討諸將言達與二賊交構宜觀望而後動帝曰達無信義此其相疑之時當及其未定促決之乃倍道兼行八日到其城下吳蜀各遣其將向西城安橋木蘭寨以救達帝分諸將以拒之初達與諸葛亮書曰宛去洛八百里去吾一千二百里聞吾舉事當表上天子比相反覆一月閒則吾城已固諸軍足辦則吾所在

深險司馬公必不自來諸將來吾無患矣及兵到達又告亮曰吾舉事八日而兵至城下何其神速也上庸城三面阻水達於城外爲木柵以自固帝渡水破其柵直造城下八道攻之旬有六日達甥鄧賢將李輔等開門出降斬達首傳京師

華陽志上庸郡安樂縣咸熙元年爲公國封劉後主

## 房陵

舊唐志房州房陵縣

漢縣隋志光遷舊曰房陵

魏爲光遷國武德

初改光遷爲房陵又永清縣後魏分房陵置大洪縣周改爲永清水經注堵水東歷新城郡郡故漢中之房陵縣也漢末以爲房陵郡有粉水縣居其上故曰上粉縣

按晉宋諸志俱無上粉縣則上粉是房陵別稱有白馬山側水謂之白馬塞孟達爲守登之而歎曰劉封申耽据金城千里而更失之乎爲上堵吟音韻哀切有惻人心今水次尙歌之蜀志劉封傳建安二十四年命達從秭歸北攻房陵房陵太守蒯祺爲達所害晉書桓冲傳遣上庸太守郭寶伐堅魏興太守褚垣上庸太守段方并降之新城太守麴常遁走三郡皆平

### 巴郡

華陽國志桓帝以泰山但望爲巴郡太守勲恤民隱郡文學掾宕渠趙芬等詣望自訟郡境廣遠永興二年三

月甲午望上疏曰謹按巴郡圖經境界南北四千東西  
五千周萬餘里屬縣十四鹽鐵五官各有丞史戶四十  
六萬四千七百八十七萬五千五百三十五遠縣去郡  
千二百至千五百里鄉亭去縣或三四百及千里土界  
遐遠令尉不能窮詰姦凶時有賊發督郵追案十日乃  
到賊已遠逃蹤跡絕滅罪逮捕證諛文書詰訊卽從春  
至冬不能究訖繩憲未加或遇德令是以賊盜公行姦  
宄不絕往者至劫閭中令楊殷終泮侯美昊傷尉蘇鴻  
彭亭侯孫魯雍亭侯陳已殷侯樂普又有女服賊千有  
餘人布散千里不卽發覺謀成乃誅其水陸覆害殺郡

掾枳謝盛塞威張御魚復令尹尋主簿胡直若此非一  
給吏休謁往還數千閉囚須報或有彈劾動便歷年更  
坐踰科恐先冬節侵疑先死如當移傳不得滿報輒自  
刑戮或長吏忿怒冤枉弱民欲赴訴郡官每憚還往太  
守行桑農不到四縣刺史行部不到十縣郡治江州時  
有溫風遙縣客吏多有病疾地勢剛險皆重屋累居數  
有火害又不相容結舫水居五百餘家承三江之會夏  
水漲盛壞散顛溺死者無數而江州以東濱江山險其  
人半楚恣態敦重墊江以西土地平敞精敏輕疾上下  
殊俗情性不同敢欲分爲二郡一治臨江一治安漢各

有桑麻丹漆布帛漁池鹽鐵足相供給兩近京師榮等

墊江  
翼榮

自欲義出財帛造立府寺不費縣官得百姓歡娛

孝武以來亦分吳蜀諸郡聖德廣被民物滋繁增置郡  
土釋民之勞誠聖主之盛業也雖貪大郡以自優暇不  
忍小民顛顛蔽隔謹具以聞朝議未許遂不分郡分郡  
之議始於是矣獻帝初平元年征東中郎將安漢趙頴  
建議分巴爲二郡頴欲得巴舊名故白益州牧劉璋以  
墊江以上爲巴郡江南按蜀志江  
當爲河龐羲爲太守治安漢  
以江州至臨江爲永甯郡胸忍至魚復爲固陵郡建安  
六年魚復蹇胤白璋爭巴名璋乃改永甯爲巴郡以固

陵爲巴東徙義爲巴西太守

州郡志譙周巴記之初平六年益州帳下司馬趙建

建議分巴郡諸縣漢安以下

爲永甯郡建安六年劉璋

改爲巴東郡晉志同按獻帝初

平止於四年言六年者

誤也又攷江州本巴郡所治處

三巴之中劉璋還復巴

郡應在江州卽如州郡志所列

巴郡則江州臨江諸縣

巴東郡則魚復朐忍諸縣常璩

言改永甯爲巴郡固陵

爲巴東者是而晉宋志乃自與

其所列之縣相乖沈約

文士于典故攷覈固非其長而

晉志又潦倒坦率不足

準故一以華陽志爲定寰宇記

又云劉璋分巴郡爲二

墊江以上爲巴郡墊江以下爲

永甯郡建安六年璋改

永甯爲巴東郡巴郡爲巴西郡

二十一年蜀先主又以

巴東郡所管朐忍魚復二縣置

固陵郡章武元年改固

陵爲巴東郡而江州巴東郡復

爲巴郡於是巴郡分而

爲三此又與前志是爲三巴巴

東郡先主入益州改爲

所云全乖今不取

江關都尉建安二十一年以朐忍魚復羊渠及宜都巫

北井六縣爲固陵郡

此寰宇記所由致誤蓋不知江關都尉先爲巴東郡所改而徐應璩

機復爭巴名與劉璋時蹇胤又別是一人不能細辨故武陵康立為太守按蜀志廖立是

武陵人為巴郡太守此康立疑即廖立巴郡固陵則未知誰誤章武元年胸忍徐慮魚

復蹇機以失巴名上表自訟先主聽復為巴東南郡輔

匡為太守匡刻本誤為斥後省羊渠置南浦其漢豐縣

建安二十一年立大康初巫北并并還建平又涪陵謝本白劉璋求

以丹興漢髮髮當為葭二縣為郡初以為巴東屬國後遂為

涪陵郡屬縣五涪陵丹興蜀時省漢平延熙十三年置萬甯孝靈帝時本名永甯漢髮有鹽井

按劉璋分涪陵立永甯縣兼丹興漢葭合四縣置屬國

都尉理涪陵先主改為涪陵郡又增立漢復縣延熙十

三年又立漢平縣晉太康地記省丹興福理漢復晉志言蜀置者非又宕渠郡延熙中置

以廣漢王士為太守郡建 九年省永興元年李雄復

置按晉志以爲先主時置季漢輔臣贊注王士從先主入蜀舉孝廉爲符節長右渠太守徙犍爲會丞相亮亮南征轉爲益州太守似實縣三右渠郡治漢右巴國先主時置蓋中開又嘗省耳縣三昌宣漢今省右巴國分爲五郡二十三縣又建安二十年黃權破曹公所署三巴太守杜護朴胡袁約等此自是操權置非有實土

## 江州

通典渝州巴縣漢江州縣故城在今縣西寰宇記南齊永明五年自

州理移于樊溪口卽今江津縣理又自涪州界陽關移理屬之墊江縣就江州所理周武成三年改墊江爲巴

縣舊唐志江津漢江州縣分置隋志江津舊曰江州又萬壽縣武

德三年分江津縣置寰宇記皇朝平蜀後廢入江津又南平縣貞觀四

年分巴縣置水經注巴水逕巴郡故城南李嚴所築大

城北西南入江庾仲雍所謂江州縣對二水口右則涪  
內水左則蜀外水卽是水也獻帝初平元年分巴爲三  
郡於江州則永甯郡治也至建安六年劉璋納蹇胤之  
訟復爲巴郡漢世郡治江州巴水北北府城是也後乃  
徙南城劉備初以江夏費觀爲太守領江州都督

見季漢輔

臣贊

後都護李嚴更城周十六里造蒼龍白虎門求以

五郡爲巴州治丞相亮不許華陽志縣下有清水穴巴  
人以此水爲粉則膏暉鮮芳貢粉京師因名粉水故世  
謂江州墮林粉也有荔支園至熟二千石常設府膳命  
士大夫共會樹下食之蜀志劉二牧傳龐義與璋情好

搆隙趙韙稱兵內向眾散見殺

英雄記曰東州兵畏威咸并力助璋遂破反者

進攻韙于江州韙將屬

張飛傳先主攻劉璋飛與諸葛

亮等沂流而上分定郡縣至江州破璋將巴郡太守嚴

顏

按華陽志則云巴郡太守巴西趙梓拒守張飛攻破之獲將軍嚴顏與陳壽異

生護顏飛呵

曰大軍至何以不降而敢拒戰顏答曰卿等無狀侵奪

我州我州但有斷頭將軍無降將軍飛壯而釋之李嚴

傳嚴與諸葛亮並受遣詔輔少主留鎮永安四年亮欲

出軍漢中嚴當知後事移屯江州留遣軍陳到駐永安

八年亮命嚴將二萬人赴漢中表嚴子豐為江州都督

典嚴後事

華陽志豐解後李福為都督延熙中車騎將軍鄧芝為都督治陽關

晉書羅尚

傳李特攻尙於成都尙退保江陽初尙乞師於方岳荆  
州刺史宗岱率建平太守孫臯救之次於江州岱臯兵  
盛諸爲寇所逼者人有奮志

### 宕渠

通典渠州流江縣漢宕渠縣故城在今縣東北俗號車

騎城

寰宇記蜀先主分巴郡置宕渠郡尋省後主延熙中又置尋又省晉惠帝置李壽亂後地爲諸獠所

侵郡縣悉廢宋又自漢宕渠縣移郡理安漢故城梁普通三年又于漢宕渠縣西南七十里置北宕渠郡卽合

州理是也又潯水潯山大竹皆宕渠縣地又廣安軍渠江縣本宕渠縣梁置始安縣隋改爲賓城唐至德二年

改爲渠江按舊唐志爲天寶初改又巴州曾口其章歸仁三縣皆宕渠

縣地

寰宇記其章縣漢葭萌縣地廢始甯縣立縣東南十五里本宕渠縣地

又蓬州宕渠

縣漢舊縣

按隋志此縣是梁置非漢舊也竇唐志集

州難江縣漢宕渠縣地水經注潛水出宕渠縣縣以延

熙中分巴

按文少一西字立宕渠郡蓋古賁國也今有賁城

志今有賁城盧城

縣有渝水夾水上下皆賁民所居蜀志建安

二十二年張郃數犯暴巴界先主令張飛進兵宕渠與

郃等戰於瓦口

華陽志侯馥傳甯州刺史王遜欲遷梓

把口疑卽

破郃等張飛傳郃別督諸軍下巴西欲徙其

此瓦口

民於漢中進軍宕渠蒙頭盡石與飛

相拒五十餘日

飛率精卒萬餘人從他道邀郃軍交戰

山道走狹前後不得相救

飛遂破郃郃棄去馬緣山獨

與麾下十餘人

從間道還南鄭華陽志譙登傳父爲李雄巴西太守馬

晚載記通鑑

所殺乃東詣鎮南劉公弘請兵時中原亂

作馬脫

守公三年不能得兵表拜揚烈將軍梓潼內史使合議  
募登募巴蜀流士得二千人鎮西將軍羅尙以退住巴  
郡登從尙索益軍討雄不得乃往攻宕渠斬晚食其肝  
巴西賊破晉書毛璩傳爲益州刺史執留桓玄使不受  
命玄以桓希爲梁州刺史王異據涪祈法戍宕渠梁師  
寐戍巴郡周道子戍白帝以防之宋書毛脩之傳父瑾  
爲譙縱所殺高祖表爲龍驤將軍配給兵力遣令奔赴  
又遣益州刺史司馬榮期及文處茂時延祖等西討脩  
之至宕渠榮期爲參軍楊承祖所殺脩之退還白帝

胸忍

通典夔州雲安縣漢胸忍縣地隋志雲安舊曰胸忍寰

城西三十一里又萬州南浦縣漢胸忍縣地州郡志蜀建興八

改羊渠立南浦按建興十二年以前丞相亮領益州牧

馬忠傳忠卒于延熙十二年閭宇繼踵立忠後宇不得

于建興時作牧也必如沈志亦當在延熙景耀又梁山

開常璩不著年月方輿勝覽蜀後主立南浦縣

縣漢胸忍縣地又開州盛山縣漢胸忍縣地蜀先主置

漢豐縣寰宇記蜀先主建安二十一年於今縣南二里

志盛山梁曰漢豐西魏改爲永甯方輿勝覽分胸忍西北今合州南二里置漢豐縣舊唐志開州

新浦縣宋分漢豐縣置寰宇記萬歲縣蜀爲漢豐之地

改之又置新浦縣今按州郡志巴渠不注置立隋水經

志無萬歲縣舊唐志又云本爲萬世貞觀末改注江水又東右得將龜溪口華陽記曰胸忍縣出靈龜

咸熙元年獻龜于相府

按魏晉史皆是二年常璩誤

言出自此漢彭

水出巴渠郡獠中東南流逕漢豐縣東清水注之水出

巴渠縣東北巴嶺南獠中至漢豐縣東而西注彭溪謂

之清水口南逕胸忍縣西六十里南流注于江江水東

逕胸忍縣故城南常璩曰縣在巴東郡西二百九十里

縣治故城跨其山阪南臨大江又更始水東入巴東之

南浦縣其水注引瀆口石門謂之西鄉水晉書宣帝紀

太和四年與曹眞伐蜀帝自西城斫山開道水陸并進

至於胸忍拔其新豐縣

新豐當為漢豐

軍次丹口遇雨班師華

陽志泰始二年吳太將步闡唐咨

按吳志是步協又唐咨于孫亮時久已入

魏不應此時  
復有唐咨

攻羅獻于巴東

裴松之引襄陽記作羅憲  
今晉書同蜀志霍峻傳作

字獻保城咨西侵至朐忍故蜀尚書郎楊宗告急于洛

未還獻出擊闡大破之闡咨退吳武陵太守孫恢寇南

浦安蠻護軍楊宗討之退走因表以宗為武陵太守住

南浦

闡中

通典闡州闡中縣漢舊縣今郡城即古闡中城

寰宇記後漢建

安六年劉璋改巴西郡為巴西郡自安漢移理於此蜀張  
飛曾為此郡守李雄之亂巴西郡荒蕪太守理無定所宋  
元嘉八年復於此城立北巴西郡宋末除北字按舊唐  
州郡志北巴西郡巴西郡梁益二州并置不詳  
志闡州晉安西水奉國三縣皆闡中縣地

通州巴州恩  
陽縣蓬州大

寅儀隴二縣皆後漢屬中縣地震  
宇記廣德元年改大寅爲蓬池 蜀志張飛傳先主伐

吳飛當率兵萬人自閬中會江州臨發其帳下將張達  
范疆殺飛持其首順流而奔孫權李特載記李蕩進寇  
巴西巴西郡丞毛植五官襄珍以郡降蕩華陽志永嘉  
四年天水文石殺李雄太宰李國以巴西降尙通鑑五  
年雄太保始拔巴西殺文石晉書毛穆之傳桓冲使穆  
之戍巴郡穆之與子球伐符堅至於巴西以糧運乏少  
退屯巴東病卒

魚復

舊唐志夔州奉節縣漢魚復縣今縣北二里赤甲城是

也隋爲人復縣

隋志西魏改曰人復

貞觀末改爲奉節水經注江

水又逕魚復縣之故陵舊郡治

卽固陵郡蓋本是故陵立郡後乃改

有魚

復尉戍此江之右岸有巴鄉村村人善釀江水又東逕

南鄉峽東逕永安宮南其閒平地可二十許里江山迴

濶入峽所無又東逕赤岬城西是公孫述所造因山据

勢周迴七里一百四十步東高二百丈西北高千丈南

連接白帝山甚高大不生樹木其石悉赤如人袒胛江

水又東逕魚復縣故城南公孫述名之爲白帝巴東郡

治獻帝興平元年以魚復爲故陵郡蹇胤訢劉璋改爲

巴東郡治白帝山城周迴二百八十步北緣馬嶺接赤

岬山東傍東灤溪卽以爲隍西南臨大江關之眩目惟  
馬嶺小差委迤猶斬山爲路羊腸數四然後得上益州  
刺史鮑陋鎮此爲譙道福所圍城裏無泉乃南開水門  
鑿石爲函道上施木天公直下至江中有如猿臂相牽  
引汲得水水門之西江中有孤石爲滤預石冬出水二  
十餘丈夏則沒亦有裁出處縣有夷溪卽佷山清江也  
蜀志章武二年先主還魚復改魚復縣曰永安孫權聞  
先主住白帝甚懼遣使請和先主許之宗預傳遷後將  
軍督永安寵拜征西大將軍景耀元年以疾徵還按是後代  
其任者當霍峻傳霍弋與巴東領軍羅獻各保全一方  
卽問宇

舉以內附襄陽記曰右大將軍閻宇都督巴東後主拜  
人令憲守永安城吳閻蜀敗起兵西上外託救援內欲  
襲憲憲保城繕甲兵告誓將士厲以節義莫不用命吳  
閻鍾鄧敗百城無主有兼蜀之志而巴東固守兵不得  
使步協率眾而西憲臨江拒射不能禦遣參軍楊宗突  
圍北出告急安東將軍陳騫協攻城憲出與戰大破其  
軍孫休怒復遣陸抗等帥眾三萬人增憲之圍破攻凡  
六月城中疾病大半陳騫言於晉王遣荊州刺史華陽志  
史胡烈救憲抗等引退晉王以憲爲巴東監軍華陽志  
獻卒以健爲太守天水楊攸爲監軍攸遷梁州刺史朝  
議以唐彬及楊宗爲代武帝問散騎常侍文立曰彬宗  
孰可用對曰彬宗俱立事績在西不可失者然宗才誠  
佳有酒嗜彬亦其人性在財欲惟陛下裁之帝曰財欲  
可足酒嗜難改遂用彬爲監軍加廣武將軍永嘉四年

李驤急攻譙登

登時治涪城

益州刺史皮素次巴東敕平西

將軍張順楊顯救登羅向子宇恚恨登糧運不給素至

涪欲治執事

此蓋素言欲如此未嘗至涪也

執事懷懼降人趙攀等夜

殺素建平都尉暴重殺宇及攀巴郡亂三府官屬上巴

東監軍冠軍將軍韓松爲刺史校尉治巴東五年氏隗

文等反於巴東暴重討之未下重殺刺史韓松自領三

府事

按終晉之世益州陷沒者其置益州刺史皆於巴東遙駐毛穆之鮑陋皆然

晉書桓溫

傳永和二年率眾西伐初諸葛亮造八陣圖於魚復平

沙之上壘石爲八行行相去二丈溫見之謂此常山蛇

勢也文武皆莫能識毛璩傳璩傳檄遠近列立罪狀遣

巴東太守柳約之建平太守羅述征虜司馬甄季之擊破希等仍率眾次於白帝譙縱傳毛璩既死縱以從弟洪爲益州刺史明子爲鎮東將軍巴州刺史率其眾五千屯白帝自稱成都王

# 臨江

通典忠州臨江縣漢舊縣又南賓縣漢臨江縣地

舊唐志

江縣後魏分臨江立又桂溪縣武德二年分臨江置清水縣天寶元年改爲桂溪

又萬州武甯

縣漢臨江縣地水經注江水東逕臨江縣南華陽記曰

縣在枳東四百里東接胸忍縣有鹽官江水又東得黃

華水口江浦也左逕石城南

寰宇記故石城在臨江縣東百里平州水東北自廣

納縣界來南流經縣又東至平洲又東逕壤塗而厯和東五里又南合北水

離又東逕界壇是地巴東之西界益州之東境故得是名

枳

通典南川縣漢枳縣唐改置南川縣按元和志寶字記江州縣地舊唐志

武德二年置隆陽縣先天元年改爲南州元和志涪州樂溫縣本漢枳縣地

周明帝分置巴縣武德二年改爲樂溫又賓化縣本枳

縣地周武成三年省入巴縣隋志後周廢枳縣入巴縣貞觀十一

年分置隆化縣先天元年改爲賓化今涪州城本枳縣城自李雄據蜀此

地積爲戰場桓溫定水經注江水東逕陽關巴子梁巴蜀以涪部理枳縣城

之三關斯爲一也延熙中車騎將軍鄧芝爲江州都督  
治此江水又東逕黃葛峽又左逕明月峽東至黎鄉歷  
鷄鳴峽江之南岸有枳縣治華陽志曰枳縣在江州東  
四百里治涪陵水會庾仲雍所謂有別江出武陵者也  
按先主自猇山華陽志永嘉五年三府文武囚暴重殺  
通武陵路由此之共表巴郡太守張羅行三府事羅治枳自討隗文於  
宮圻破降之旬月復叛劫巴郡太守黃龔羅遣軍討之  
破還羅自討之敗績身死巴中無復餘種矣

## 涪陵

通典涪州涪陵縣漢舊縣

隋志涪陵舊曰漢平

元和志武龍縣本

漢涪陵縣地永嘉後地沒蠻夷經二百五十六年至字

文周保定四年涪陵蠻帥田思鶴以地內附因置奉州

建德三年改為黔州本漢涪陵縣理也水經注江水又

東逕涪陵故郡北後乃并巴郡遂罷省江水又東逕文

陽灘險難上江水又東逕漢平縣二百餘里寰宇記漢平縣

在今涪州東百二十里羅浮山之北岷江之南白水入江處左自涪陵東出百餘里

而屈于黃石東為桐柱灘通典涪陵縣有橫石灘岑彭破公孫述將侯丹于黃石即

此又延江水北入涪陵水水出縣東故巴郡之南鄙魏

武分邑立為涪陵郡疑是魏武所分之巴東郡張堪為縣會公孫述

擊堪同心義士選習水者筏渡堪於小別江即此水也

北至枳縣入江蜀志鄧芝傳涪陵國人殺都尉反叛芝  
率軍征討卽梟其渠帥百姓安堵華陽志張啟行三府  
事病亡三府文武復共表涪陵太守義陽向沈行西夷  
校尉吏民南入涪陵建興元年春病卒涪陵多疫癘蜀  
郡太守程融宜都太守楊芬等共推汶山太守涪陵蘭  
維爲西夷校尉融等共率吏民北出枳欲下巴東遂爲  
雄將李恭費黑所破獲晉書毛璩傳巴東太守柳約之  
詣桓振僞降因欲襲振事泄被害約之司馬時延祖涪  
陵太守文處茂等撫其餘眾保涪陵

范長生涪陵丹興人

墊江

通典合州石鏡縣漢墊江縣地

州郡志墊江建安六年度巴西建興十五年復

舊隋志石鏡舊曰墊江

寰宇記漢初縣本漢墊江縣宋改墊江爲

東宕渠梁大同中於此立新興郡西魏於縣西北六十

里置清居縣隋改爲漢初

按隋志西魏改郡曰清居縣曰漢初

又赤水銅

梁巴川三縣本墊江縣地舊唐志新明縣武德二年分

石鏡置華陽志李特死眾還赤祖推流爲大將軍而荆

州刺史宋岱水軍三萬助尚次墊江前鋒建平太守孫

阜破特德陽守將騫碩太守任臧徑至涪

通鑑作涪陵縣誤

流降於孫阜遣子爲質不可乃舉兵與李離襲阜阜軍

敗宋岱病卒墊江州軍退雄逼攻尚

按載記敘李離與雄謀襲阜軍云云

下子不及出阜事便直據  
據敘此事亦重復晉書本好述浮談略于事蹟至十六國載記尤巖塞不成體段非藉他書証明直墮雲霧  
符堅載記蜀人張育楊光等起兵與巴獠相應叛符堅益州刺史竺瑤威遠將軍桓石虔率眾三萬據墊江敗姚萇於墊江萇退据五城石虔等移屯巴東宋書劉敬宣傳義熙二年敬宣伐蜀分遣振武將軍巴東太守溫祚以二千人揚聲外水自率益州刺史鮑陋輔國將軍文處茂等由墊江而進

## 安漢

寰宇記果州南充縣本安漢縣地宋於安漢城置南宕渠郡  
沈志梁益二州并有此郡而不詳其由  
隋開皇十八年改安漢爲南

漢涪陵縣地永嘉後地沒蠻夷經二百五十六年至宇

文周保定四年涪陵蠻帥田思鶴以地內附因置奉州

建德三年改爲黔州本漢涪陵縣理也水經注江水又

東逕涪陵故郡北後乃并巴郡遂罷省江水又東逕文

陽灘灘險難上江水又東逕漢平縣二百餘里寰宇記漢平縣

在今涪州東百二十里羅浮山之北岷江之南白水入江處左自涪陵東出百餘里

而屆于黃石東爲桐柱灘通典涪陵縣有橫石灘岑彭破公孫述將侯丹于黃石即

此又延江水北入涪陵水水出縣東故巴郡之南鄙魏

武分邑立爲涪陵郡疑是魏武所分之巴東郡張堪爲縣會公孫述

擊堪同心義士選習水者後渡堪於小別江卽此水也

舊唐志忠州豐都縣後漢分枳縣置平都縣實宇記蜀

人臨江華陽志延熙十七義甯二年分臨江置豐都縣

年省平都樂城常安三縣隋志臨江縣有平都山寰宇記平都山在縣北二里張

道陵二十四治居其一按晉志有平州無平都平都郡志

平州緣太康元年以野民歸化立華陽志以平都

係巴郡以平州屬巴西郡疑從平都分立平州

充國

通典闕州南部縣漢充國縣地後周置縣州郡志初平

隋志南部舊舊唐志闕州新井縣充國縣地又新政縣

曰南充國武德四年分南部相如兩縣置按前漢志已有充國縣

元二年分闕中置或本應係在宣漢縣下而傳蜀志譙

本倒置也然常璩志亦云南充國縣和帝時置

周爲巴西西充國人張疑爲巴西南充國人弱冠爲縣

功曹先主定蜀之際山寇攻縣縣長捐家逃亡疑冒白  
刃攜負夫人得免由是顯名

宣漢

舊唐志通州通川縣後漢宣漢縣後魏改爲石城隋爲

通川

隋志通川舊曰石城

又壁州諾水縣梁分宣漢置始甯縣武

德八年分巴州始甯之東境置寰宇記新甯巴渠二岡  
東鄉四縣其地與宣漢縣同廢宣漢縣在州西北一百

七十里

華陽志宣漢縣今省

漢昌

舊唐志巴州化城縣後漢漢昌縣梁改爲大谷縣後周

改爲化城縣

按隋志梁曰梁廣

又閩州蒼溪縣後漢分宕渠置

漢昌縣隋改漢昌爲蒼溪

隋志蒼溪舊曰漢昌

寰宇記後漢永元

中於今蒼溪北巴岳山側置漢昌縣

按隋志自有蒼溪縣應是分漢昌置

後省而隋復更名

李漢輔臣贊注曰程季然名畿劉璋時爲漢

昌長縣有賓人巴西太守龐羲以天下擾亂郡宜有武

衛頗招台部曲有讒于璋說羲欲叛者璋陰疑之羲聞

甚懼將謀自守遣畿于郁宣旨索兵自助畿報曰郡台

部曲本不爲叛雖有交構要在盡誠若必以懼遂懷異

志非畿之所聞并敕郁曰我受州恩當爲州牧盡節汝

爲郡吏當爲太守效力不得以吾故有異志也羲使人

告畿曰爾子在郡不從太守家將及禍畿曰昔樂羊爲將飲子之羹非父子無恩大義然也今雖復羹子吾必飲之義知畿必不爲已厚陳謝于璋以致無咎璋聞之遷畿江陽太守

### 廣漢郡

水經注公孫述爲梓潼郡華陽國志建安二十二年分

廣漢置梓潼郡屬縣六

較晉志少武連黃安劍閣三縣刊本又訛漢德爲廣漢

志劉氏據蜀分廣漢之葭萌涪城梓潼白水四縣改葭

萌曰漢壽又立漢德縣以爲梓潼郡

沈志漢德縣疑是劉氏所立徐云漢

德舊縣

又劉禪建興二年分廣漢立東廣漢郡魏景元中

蜀平省

季漢職臣贊注習禎為南廣漢太守南廣漢別無見疑即東廣漢又蜀延熙中嘗置南廣郡或

誤出

漢字華陽志延熙中分廣漢四縣置東廣漢郡

州郡志

有邵歡縣疑是蜀立曰昭歡晉改也

雜

通典漢州雒縣漢舊縣水經注洛水又南逕洛縣故城

南高祖置廣漢郡於乘鄉

華陽志作繩鄉

安帝永初三年移治

涪城後治洛縣益州舊以蜀郡廣漢犍為為三蜀土地

沃美人士俊艾一州稱望縣有沈鄉

華陽志作汎鄉

去江七里

姜士游之所居蜀志先主進軍圍雒時劉璋子循守城

被攻且一年建安十九年夏雒城破

益部耆舊雜記曰劉璋遣張任劉瑣

率精兵拒捍先主於涪為先主所破退與璋子循守雒城任勒兵出於雒橋戰敗禽任龐統傳進圍雒縣統率眾攻城為流矢所中卒元和志雁橋在雒縣南二里晉書譙縱傳毛瑛聞縱反自洛城步還成都遣參軍王瓊率三千人討縱瑛傳瑛時在成都四百餘里畧城當是洛城之譏然雒縣距城都僅百餘里不當云四百里或僑立之安固郡畧陽歟州郡志晉哀帝時涼州民流入蜀僑立安固郡有畧陽縣

新都

通典益州新都縣漢舊縣故城在今縣東隋志大業初省入成都元

和志武德二年重置晉書李特載記特攻張徵使李驤與李攀任

回李恭屯軍毗橋九域志新都縣有毗橋水以備羅尚尚遣數千人

出戰驤破之尚遣將張興偽降於驤以觀虛實時驤軍

不過二千人興夜歸白尙尙遣精勇萬人銜枚夜襲驤營李攀逆戰死驤奔流柵與流并力回攻尙軍亂敗還什邡

通典漢州什邡縣漢舊縣華陽志李冰導洛通山

元和志洛

通山在縣西或出瀑口經什邡郫別江會新都大渡

綿竹

通典漢州綿竹縣漢舊縣

州郡志蜀分綿竹立陽泉縣

水經注綿水

西出綿竹縣又與湔水合亦謂之郫江也又言是涪水此二水俱與洛會華陽志綿竹縣劉焉初所治綿竹與雒各出稻稼畝收三十斛至十五斛建安十八年劉璋

遣將劉瑱冷苞張任鄧賢吳懿等

蜀志作吳壹

拒劉主於涪

皆破敗還保綿竹縣懿詣軍降拜討逆將軍進瑒綿竹

瑒復遣護軍李嚴費觀等督綿竹軍嚴觀率眾降同拜

裨將軍魏志鄧艾傳蜀衛將軍諸葛瞻自涪還綿竹列

陣待艾艾遣子惠唐亭候忠等出其右司馬師纂等出

其左忠纂戰不利並退還曰賊未可擊艾怒曰存亡之

分在此一舉叱忠纂出將斬之忠纂馳還更戰大破之

斬瞻及尚書張遵等首

黃權傳權留蜀子崇為尚書郎隨衛將軍諸葛瞻拒鄧艾到涪

縣瞻盤桓未進崇屢勸瞻宜速行據險無令賊得入平

瞻猶豫未納崇至於流涕會艾長驅而前瞻卻戰至綿

竹崇帥勵軍士期於必死臨陣見殺元和志初瞻在涪而艾已入打油瞻曰吾內不除黃皓外不制姜維進不

守江油晉有三罪何面而反進  
屯綿竹埋人腳而戰父子死焉晉書李特載記益州刺  
史趙廞殺特弟庠特兄弟怨廞引兵歸綿竹廞恐朝廷  
討已遣長史費遠犍爲太守李苾督護常俊督萬餘人  
斷北道次綿竹之石亭特密收合得七千餘人夜襲遠  
軍遠大潰因放火燒之死者十八九進攻成都廞死先  
是惠帝以涼州刺史羅尚爲平西將軍領護西夷校尉  
益州刺史華陽志太康三年更以益梁州爲輕車刺史  
乘傳奏事以蜀多羌夷置西夷府以平吳軍  
司張牧爲校尉持節統兵元康六年復以梁益州爲重  
州按永康元年校尉陳總爲趙廞所殺至是刺史兼領  
之督牙門將王敦上庸都尉義歆廣漢太守辛冉等凡  
七千餘人入蜀特及弟流以牛酒勞尙於綿竹王敦辛

冉并說尙曰特等流入專爲盜賊急宜梟除可因會斬之尙不納冉先與特有舊因謂特曰故人相逢不吉當凶矣特深自猜懼羅尙遣從事僅遣流人限七月上道辛冉性貪暴令梓潼太守張演于諸要施關搜索寶貨流人聞州郡逼遣人人愁怨遂相與詣特特乃結大營於綿竹以處流人移冉求自寬冉大怒遣人分榜通達購募特兄弟特見改其購之能道六郡之豪李任閭趙楊上官及氏叟侯王一首賞百匹流人咸往歸特騁馬屬鞬同聲雲集旬月閒眾過二萬流亦聚眾數千特乃分爲二營特居北營流居東營特遣閭式詣羅尙求申

期式旣至見冉營柵衝要謀掩流人歎曰無寇而城警  
必保焉一而速之亂將作矣又知冉及李苾意不可迴  
乃辭尙還綿竹尙謂式曰子且以吾意告諸流人今聽  
寬矣式曰明公惑於奸說恐無寬理弱而不可輕者百  
姓也今促之不以理眾怒難犯恐爲禍不淺尙曰然吾  
不欺子子其行矣式至綿竹言於特曰尙雖云爾然未  
可必信也何者尙威刑不立冉等各擁強兵一旦爲變  
亦非尙所能制深宜爲備特納之冉苾相與謀曰羅侯  
貪而無斷曰復一日流人得展奸計李特兄弟并有雄  
才吾屬將爲豎子虜矣宜爲決計不足復問之乃遣廣

漢都尉曾元牙門張顯劉并等潛步騎三萬襲特營羅  
尙聞之亦遣督護田佐助元特繕甲厲兵戒嚴以待元  
等至特安卧不動待其眾半入發伏擊之殺傷者甚眾  
害田佐曾元張顯傳首示尙於是六郡流人推特爲主  
符堅載記益州刺史周仲孫勒兵拒堅將未彤于綿竹  
聞毛當將至成都仲孫率騎五千奔於南中通鑑南康  
二年蜀人  
張育楊光起兵擊秦有眾三萬遣使來請兵秦王堅遣  
鎮軍鄧羌帥甲士五萬討之張育自號蜀王與巴獠酋  
帥張重尹萬萬餘人進圍成都育與張重等爭權舉兵  
相攻鄧羌襲育敗之育光退屯綿竹羌進擊皆斬之楊  
安敗張重尹萬于成都  
南重死益州復入秦

治

元和志綿州巴西縣本漢涪縣隋志巴西舊曰涪先王立梓潼

郡以縣屬晉孝武帝徙梓潼郡於此華陽志梓潼縣郡治州郡志梓潼郡

治又昌明神泉羅江龍安魏城鹽泉西昌七縣皆漢涪

縣地寰宇記晉于梓潼水尾萬安故城置萬安縣晉末亂移湯亭今縣城是也天寶元年改為羅江縣按

州郡志梓潼郡有萬安縣徐志舊縣二漢晉并無按晉志作黃安又梓州涪城縣本漢

涪縣地晉以後亦通以涪縣為涪城水經注梓潼水自縣南逕涪城

東又南入於涪水謂之五婦水口華陽志涪縣去成都

三百五十里涪水通於巴為蜀東北之要蜀時大將軍

鎮之有宕田平稻田孱水出孱山其源出金銀礦洗取

火融合之為金銀陽泉出石丹大司馬蔣琬葬此元和志蔣

琬墓在巴西縣西八里

蜀志龐統傳劉璋與先主會涪統進策曰

今因此會便可執之則將軍無用兵之勞而坐定一州也先主曰初入他國恩信未著此不可也延熙五年監

軍姜維督偏軍自漢中還屯涪縣六年大司馬蔣琬自

漢中還住涪

蔣琬傳上疏曰涪水陸四通惟急是應若東北有虞赴之不難由是琬遂還住涪

華陽志譙登傳登逕進涪城雄自攻登爲登所破賊以

向困而尙本參佐恨登之見矜侮不供其軍食雄知登

乏食遣驤致攻兵窮士餓誓死不退永嘉三年爲驤所

生得咸和九年期殺班自立進壽封漢王使討玠於涪

玠走卽拜壽梁州知北事壽雖代玠鎮涪歲終當入朝

觀常自危懼輒造漢中守將張才急書告方外寇警懼  
不自全數聘命高士巴西龔壯壯之父及叔皆爲特所  
殺欲假手執報仇因說壽立事壽從之陰與長史解思  
明羅恒共謀据成都爲晉稱藩李期載記壽率步兵一萬自涪回成都表稱景  
嵩田褒亂政興晉陽子勢爲內應開門遂獲期越晉書  
之甲以除君側之惡譙縱傳攻毛璩弟西夷校尉瑾於涪城城陷瑾死之朱  
齡石討縱之遁譙道福重兵守涪縱之城守者相次瓦  
解縱出奔投道福於涪道福怒謂縱曰大丈夫居如斯  
功業今欲爲降虜豈可而得人誰不死何懼之甚因投  
縱以劍中其馬鞍縱去之乃自縊道福謂其徒曰吾養

爾等正謂今日蜀之存亡實係在我不在譙王我尙在  
猶足一戰士咸許諾乃散金帛以賜其眾眾受之而旋

道福獨奔廣漢廣漢人杜瑾執之宋書劉道濟傳帛氏

奴趙廣詐言司馬殿下猶在陽泉山中

司馬飛龍自稱  
晉宗室曰爲道

斬濟擊於是逕向涪城巴西梓潼二郡太守王懷業再遣

軍拒之戰敗懷業及司馬南漢中太守韋處伯并棄城

走蜀土僑舊翕然並反道濟惶懼乃免吳兵三十六營

以爲平民分立宋宋興宋甯二郡又招集商賈及免道

俗奴僮東西勝兵四千人嬰城自守趙廣本以譖詐聚

兵頓兵城下不見飛龍各欲分散廣懼乃將三千人羽

儀詐其眾云迎飛龍至陽泉寺中謂道人程道養曰但  
自言飛龍則坐享富貴若不從即日便斬頭道養惶怖  
許諾廣改名爲龍興號爲蜀王以道養弟道助爲驃騎  
將軍長沙王鎮涪城

### 梓潼

通典劍州普安縣漢梓潼縣地又梓潼縣本漢舊縣元  
志黃安永歸陰平武連臨津五縣皆梓潼縣地劍閣道  
自利州益昌縣界西南十里至大劍鎮合今驛道秦張  
儀司馬錯從石牛道伐蜀卽此也諸葛武侯又鑿石架  
空爲飛梁閣道以通行路寰宇記劍門縣本梓潼縣地  
唐志聖歷二年分普安永歸陰平三縣地并方湖驛  
城置劍門縣界大劍山卽梁山其北三十里有小劍山  
華陽志梓潼縣有五婦山故蜀五丁士所拽虵崩山處

也有善板祠一曰惡子民歲上雷杼十枚歲盡不復見

云雷取去

寰宇記濟順王本張惡子晉人戰死廣明二年  
禧宗幸蜀神于利州桔柏津見封爲濟順

王親幸其廟  
解劍贈神

蜀志霍峻傳先主定蜀嘉峻之功分廣漢

爲梓潼郡以峻爲梓潼太守魏志鍾會傳會與諸軍向

劍閣進攻劍閣不克

姜維傳及鍾會向賂谷鄧艾將人  
沓中乃遣右軍騎廖化詣沓中爲

維援左車騎張翼輔國大將軍董厥等詣陽安關口以  
爲諸圍外助翼厥甫至漢壽維化亦舍陰平而退與翼  
厥合皆引兵還保劍閣以拒會會與維書維  
不答列營守險會不能克糧運懸遠將議歸晉書李特

載記元康中氏齊萬年反關西擾亂頻歲大饑百姓乃

流移就穀特隨流人將入於蜀至劍閣箕踞太息顧盼

險阻曰劉禪有如此之地而面縛於人豈非庸才耶同

夷者閩式趙肅李遠任回等咸歎異之初流人既至漢  
中上書求寄食巴蜀朝議不許遣侍御史李苾持節慰  
勞且監察之不令人劍閣苾至漢中受流人貨賂反爲  
表曰流人十萬餘口非漢中一郡所能振贍蜀有倉儲  
人復豐稔宜今就食朝廷從之由是散在益梁不可禁  
止李雄載記時李離据梓潼其部將羅兼張金苟等殺  
離及閭式以梓潼歸於羅尙華陽志太安元年征西遣  
督護衙博討特博次梓潼遣參軍蒙紹誘特降尙貽博  
書曰昔年得李流牋降心欸欸由時威帖得還爲寇聞  
特委城於下吏而流驤七八千人來寇日至姦凶之態

詭譎不測不可不重以持之也博不從故為特所破於

陽沔太守張濱委倉庫走巴西

元和志掌天山在臨津縣西南晉太安元年遣

都護衛博討李特特遣將李盪自掌天山趙博博司馬為伏兵所圍即此山按陽沔無攷當亦在梓潼

勳傳勳逆謀已成憚益州刺史周撫未發及撫卒遂擁

眾入劍閣

符堅載記前禁將軍毛當鷹揚將軍徐成率步騎三萬人自劍閣成攻二劍克之楊安進

據梓潼

# 白水

通典利州景谷縣漢白水縣地宋曰平興縣隋改之

按

郡志白水郡有平周無平興縣隋志景谷舊曰白水寰宇記廢入亂山

水經注羌水東南

流至橋頭合白水東南去由水縣故城九十里

華陽志白水縣

有關  
府蜀志劉璋增先主兵使擊張魯又令督白水軍先

主并軍三萬餘人龐統傳統說曰陰選精兵晝夜兼道徑襲成都璋既不武又素無頂備大

軍卒至一舉便定此上計也楊懷高沛璋之名將各杖

強兵據守關頭聞數有賊諫璋使發遣將軍還荊州將

軍未至遣與相聞說荊州有急欲還救之并使束裝外

作歸形此二子喜將軍之去必乘輕騎來見因此執之

進取其兵乃向成都此中計也退白帝連引荊州徐還

圖之此下策也若沈吟不去將致大患不可久矣先主

然其璋敕關戍諸將文書勿復關通先主先主大怒召

中計璋白水軍督楊懷責以無禮斬之乃使黃忠卓膺勒兵

向璋先主徑至關中質諸將士卒妻子引兵與忠膺等

進到涪魏志鍾會傳姜維自沓中還至陰平合集士眾

欲赴關城未到聞其已破退趣白水與張翼廖化合守

劍閣拒會鄧艾欲從漢德陽入江由左僭道與諸葛緒  
共行緒以本受節度邀妻維西行非本詔遂進軍向白  
水與會合

葭萌

通典利州綿谷縣嘉川益昌亂山三縣皆葭萌縣地又

葭萌縣漢舊縣又梁州金牛縣漢葭萌縣地

元和志漢葭萌故城

在利州益昌縣東南五十里嘉陵江去綿谷縣西一里

又興元府三泉縣本葭萌縣地新唐志寶曆元年省金

牛縣入華陽志晉壽縣本葭萌城劉氏更曰漢壽州郡

西縣康元年蜀亦大將軍鎮之水經注白水又東南于吐費  
城南即西晉壽之東北也東南流注漢水水有津關蜀

先主北到葭萌厚樹恩德以收眾心霍峻傳先主白  
葭萌南還襲劉璋留峻守葭萌城張魯遣將楊昂誘峻  
求共守城峻曰小人頭可得城不可得昂乃退去後璋  
將扶禁向存等帥萬餘人由閬水上攻圍峻且一年不  
能下峻城中兵纔數百人伺其怠隙選精銳出擊大破  
之即斬存首費禪傳成都望氣者云都邑無宰相位故  
北屯漢壽十六年爲魏降人郭循所殺于漢壽姜維傳  
令督漢中胡濟卻住漢壽晉書李雄載記氏王楊難敵  
兄弟爲劉曜所破奔葭萌遣子入質華陽志晉壽守將李稚蕩第二子也  
受其賂遺不道成都曜既引還稚遣難敵兄弟還武都  
遂即叛推推悔失計又李奕自晉壽舉兵反單騎突門

門者射殺之眾潰宋書氏胡傳元嘉十年楊難當遣建忠將趙

進攻葭萌獲晉壽太守范延朗十八年難當寇葭萌獲

晉壽太守申坦

鄠

通典梓州鄠縣漢舊縣故城在西南寰宇記縣南九里元和志

射洪縣本漢鄠縣地後魏分置射洪縣縣有梓潼水與

涪江合流急如箭奔射涪江口蜀人謂水口曰洪因名

射洪隋志西魏置曰射洪又飛鳥縣銅山縣皆漢鄠縣地寰宇

記大飛鳥小飛鳥山在縣東重又玄武縣本先主所立

五城縣隋志玄武舊曰五城沈志云晉立何云劉氏立

按華陽志漢時置五倉發五縣民尉部主之後

因以水經注涪水又南枝津西逕廣漢五城縣爲五城

水西至成都入江華陽志姜維未知後主降謂且固城

素與執政者不平欲使其知衛敵之難而後逞志乃迴

由巴西出鄴五城會被後主手令乃投戈釋甲詣鍾會

降於涪軍士莫不奮怒以刀斫石蜀郡太守王崇論曰鄧艾以疲兵二萬遠

出江油姜維舉十萬之師案道南歸艾爲成禽禽艾已

訖復還拒會則蜀之存亡未可量也乃回道之巴西遠

至五城使艾輕進徑及成都都身分宗滅已自招之李雄載記雄尅成都于時雄

軍饑甚乃率眾就穀于鄴譙縱傳義熙元年益州刺史

毛璩遣縱及侯暉等領諸縣民進兵東下討桓暉有貳

志因梁州人不樂東也將圖璩與巴西陽昧結謀于五

城水口共逼縱爲主縱懼而不當走投於水暉引出而請之再三遂以兵逼縱於輿上攻西夷校尉毛瑾於涪城宋書劉道濟傳程道養等領二千餘家於鄴山其餘羣賊亦各擁戶藏竄出爲寇盜不絕太祖遣甯朔將軍蕭汪之討之軍次鄴口帛氏奴斬僞衛將軍司馬飛燕歸降汪之擊破道養道養還入鄴山僞將軍王道恩斬道養道首餘黨悉平

廣漢

通典梓州通泉縣漢廣漢縣地

元和志  
縣地  
沈水北  
自鹽亭縣

界流入  
縣宮破  
延岑于  
此寰宇  
記李膺  
蜀記云  
靈江東  
臨井亭  
古萬安  
縣周地  
紀梁大同  
元年于此  
亭置縣隋

志西魏置又遂州方義縣漢廣漢縣地寰宇記逢溪縣

水經濟水南至小廣魏與梓潼水合按廣漢之名廣魏

晉旋復為廣漢故晉宋志皆不言然作水經人適于是時可知小廣魏則廣漢縣晉書李特載

記進兵攻辛冉于廣漢晉廣漢郡冉眾出戰特每破之

尚遣李苾及費遠率眾救冉憚特不敢進冉智力既窘

出奔江陽特入據廣漢以李超為太守華陽志李毅為

廣漢太守王濬主簿張弘殺益州刺史皇甫晏誣表晏

反毅白濬曰皇甫侯起自諸生位極方州又當何求且

廣漢與成都密邇而統梁州者矜益州之領須防在今

日也通鑑云欲以制益州之矜領益州有禍乃此郡之憂加張弘小

賢眾所不與宜時赴討濬欲先上後行毅曰大夫出疆

苟利社稷專之為賢何況殺主賊當不拘常宜濬從之

發兵與牙門滿泰等共討弘斬之

義登傳張羅遣軍掠廣漢破雄叔父驥虜

其妻子宋書朱齡石傳義熙九年伐蜀賊熹朱林于中取

廣漢熹至廣漢病卒朱林至廣漢破譙道福別軍

據賊質傳

熹平蜀後卒于蜀郡牛鞞縣書出一手猶自相乘刺如此

### 德陽

元和志漢州德陽縣後漢分綿竹立德陽縣周閔帝元

年縣廢武德三年復置

鹿頭戍在縣北三十八里

蜀志張裔傳張飛

由墊江入劉璋授裔兵拒飛於德陽陷下軍敗還成都

華陽志諸葛亮定德陽張裔拒亮敗於柏下

按亮與裔書曰君昔

在柏下營壞吾之用心食不知太安元年晉復拜前廣

味則張裔蓋與亮對敵蜀志非

漢太守據德陽李特載記進攻張微徵依高據險與特

相持連日時特與蕩分爲二營徵候特

空虛遣步兵循山攻之特逆戰不利山險窄逼眾不知

所爲羅準任道皆勸引退特量蕩必來故不許徵眾至

稍多山道至狹惟可一二人行蕩軍不得前謂其司馬

王辛曰父在深冠中是我死日也乃衣重鎧持長矛大

呼直前推鋒必死殺十餘人徵眾來相救蕩軍皆殊死

戰徵軍遂潰特議欲釋徵還治蕩與王立進曰徵軍速

戰士卒傷殘智勇俱竭宜因其弊遂擒之若舍而寬之

徵養病收亡餘眾更合圖之未易也特從之復進攻徵

徵潰圍走蕩水二年建平太守孫阜破特德陽守將竊

陸追之遂害徵

碩太守任臧徑至清畢兵與李離襲阜阜軍敗績宋書

劉敬宣傳敬宣既入峽率先士卒轉戰而前達遂甯郡

之黃虎去成都五百里

寰宇記德陽縣東晉分置遂甯郡小溪長江青石三縣地是也

按漢德縣疑從德陽縣所分李特載記李蕩追衛傳至漢德博走校尉

蜀郡

冉驪夷傳靈帝分蜀北部為汶山郡晉志靈帝以汶江

蠶陵廣柔三縣立汶山郡

州郡志以為蜀立按蜀志陳震傳隨先主入蜀蜀既定為

蜀郡北部都尉因易郡名為汶山太守則皆以為先主時置也

成都

通典益州成都縣漢舊縣

新唐志成成都府華陽縣本蜀貞觀十七年析成都置乾元

元年更名華陽

元和志犀浦縣本成都縣界垂拱二年分置至府二十七里

華陽志秦惠王

二十一年張儀與蜀國守張若城成都周迴十二里高

七又其築城取土去城十里因以養魚今萬成池也和

志初儀築城屢願不立忽有大龜周行旋走至蜀郡戶言依龜行處築之遂得豎立城西南樓百尺

漢廿七萬彪志作三十萬晉六萬五千州治大城郡治少城康

元年詔散刺史趙厥為大長秩遷成都內史耿滕為益

州刺史州被詔書已遣文武士千餘人迎滕滕以歲末

出州故在郡滕議欲入州城功曹陳恂諫曰今州郡並

治兵怨邁日深不如安住少城檄諸縣令村保以備秦

氏且觀其變不爾可退住西南兩江有七橋直西門郭

犍為西渡江原以防非常

江中冲治橋西南石牛門曰市橋下石犀所潛淵中也

水經注李冰昔作石犀五頭以厭水精穿石犀渠于南

江命之曰犀牛里後轉犀牛二頭一頭立府市市橋門

一頭沈城南曰江橋南渡流曰萬里橋西上曰夷里橋

之于淵

水經注上曰竿橋橋從冲治橋西出折曰長昇橋郫江

里作星

上西有永平橋長老傳言李冰造七橋上應七星也故  
世祖謂吳漢曰安軍宜在七星閑城北十里有昇仙橋  
道客觀始文翁立文學精舍講堂作石室在城南永初  
後堂遇火太守陳畱高朕更修立後漢書益州太守高朕  
初平五年倉龍甲戌是季月循舊築周公禮殿又云四  
百年之際變異蠱起烈火飛炎迄斯十有三載則學堂  
遇火當在中平之初重修于獻帝興平元年常璩謂安  
帝永初者誤學師宋恩等題名在成都周公禮殿門之  
西序稱師者二十人孝義掾業掾各一人易尚書師各  
三人與詩春秋皆有掾又有文學師友文學掾文學孝  
掾等又按高朕修禮殿于成都則此益州太守非南中  
之益州郡也通鑑建安十九年以軍師中郎將諸葛亮  
爲軍師將軍益州太守攷是時法正爲蜀郡太守通鑑  
于此等不應有誤胡三省謂劉璋置與蜀郡太守并治  
成都郭下或可與隸釋所稱益州太守又增造二石室  
相証然胡云劉璋所置不知其何據也

州奪郡文學爲州學郡更于夷里橋南岸道東邊起文

學

元和志李膺記云後漢中平中火延學觀廂廊一時蕩盡惟此堂火焰不及構制雖古而巧異特奇壁上

悉圖古聖賢梁上則刻文宣尼及七十弟子齊永明中劉瓛更圖焉朱齡石平議纔勒宋武帝檄文王石壁之室代王更以丹青增飾古畫仍加豆盧辨蘇綽之像按此則古物不幸爲若輩人所污穢也

成都縣

漢戶七萬晉三萬七千魏志鍾會傳會以五年正月十

五日至其明日悉請護軍郡守牙門騎督以上及蜀之

故官爲太后發喪於蜀朝堂婦太后遣使會起兵廢文

王皆班示坐上人使下議訖更使所親信代領諸軍所

請羣官悉閉著益州諸曹屋中城門宮門皆閉嚴兵圍

守會帳下督丘建本屬胡烈建慙烈獨坐敢會使聽內

一親兵出取飲食諸牙門隨例名內一人烈紹語親兵  
及疏與其子曰臣建密說消息會已作大坑白棧數千  
欲悉呼外兵入以次棧殺坑中諸牙門親兵亦咸說此  
語一夜傳相告徧十八日日中烈軍兵與烈兒雷鼓出  
門諸軍兵皆不期鼓譟出爭先赴城時方給與姜維鎧  
杖會遣兵悉殺所閉諸牙門郡守內人共舉機以柱門  
兵斫門不能破斯須門外倚梯登城或燒城屋蟻附亂  
進矢下如雨牙門郡守各緣屋出與其卒兵相得姜維  
率會左右戰手殺五六人眾既格斬維爭赴殺會華陽志維  
教會誅北來諸將諸將既死徐欲殺會盡坑魏兵還復  
蜀祚密書通後主曰願陛下忍數日之辱臣欲使日月

幽而復王社稷危而復安晉書李特載記特進兵攻尚于成都尚頻

爲特所敗華陽志太安元年尚牙門夏臣攻李特于立石失利乃阻長圍緣水作

營自都安至犍爲七百里與特相距晉梁州刺史許雄

遣軍攻特特陷破之進擊破尚水上軍太安二年進寇成都

蜀郡太守徐儉以小城降特以李瑾爲蜀郡太守羅尚

據大城自守流進屯江西華陽志進屯江西之檢上按檢上蓋檢江之上特使

六郡流人分口入城壯勇督領村堡流言于特曰殿下

神武已尅小城然山藪未集糧仗不多宜錄州郡大姓

子弟以爲質任送付廣漢繁之二營收集猛銳數爲防

衛又書與特司馬上官愜深陳納降若滿敵之義特不

納特既死蜀人多叛流與兄子蕩雄收遺眾還赤祖流死雄自稱大將軍都督州牧李驤攻健爲斷尙運道尙

軍大餒攻之又急遂留牙門羅特固守

華陽志作張羅特通鑑作張羅

此羅特誤

遂克成都晉書桓溫傳李勢悉眾與溫戰于笮橋

笮字記笮橋去州西

參軍龔護戰歿

龔當爲龔御覽卷三百廿四正作龔

眾懼欲退而鼓吏誤鳴進鼓於是攻之勢眾大潰溫乘勝直進焚其小城勢遂夜遁九十里至晉壽葭萌城其將鄧嵩督堅勸勢降乃面縛與櫬請命宋書劉道濟傳十年正月賊眾大至攻逼成都道濟卒梁儵之與裴方明等共埋尸於後齋使書與道濟相似者爲敦之令酬

答籤疏不異常曰道養于毀金橋升壇郊天方明將三  
千人出擊之賊列陣營前死戰曰夕乃大敗斬偽征虜  
趙石之等八百餘級道養等退保廣漢

郫

通典益州郫縣漢舊縣故城在今縣北

華陽志郫城周迴七里高六丈

郡西北六十里元和志故城縣北五十步又溫江縣本漢郫縣地武德三年置萬春縣貞觀元年改名爲溫江

蜀志鄧芝傳先主定益州芝爲郫閣督先主出至郫與  
語大奇之擢爲郫令華陽志太安二年李特攻羅尙水  
上軍特從赤水渡入郫及水西南緣江守軍皆散走六  
月雄從帛羊頽渡攻殺汶山太守陳圖雄入郫城流盡

移營據之三蜀民流迸南入東下野無煙火鹵掠無處

亦尋饑餓

通鑑流卒雄復治郫城

尙數攻郫雄使武都僕泰謂尙

曰李驤與雄以饑餓孤危自關爭相咎驤欲將民江西食穀若潛軍來我爲內應可得也尙以爲然大與金寶泰要發火遣隗伯諸軍攻郫驤使道設伏泰以長梯上伯軍伯軍見火起皆爭緣梯雄因放兵擊之大破尙軍雄徑追退夜至城下詐稱萬歲曰已得郫城矣入少城尙乃覺保大城宋書劉道濟傳臨川王義慶以楊武將軍周籍之率平西參軍費淡龍驤將軍羅猛等二千人援成都趙廣等屯據廣漢分守郫川連營百數籍之與

方明淡等攻郫克之廣又移營屯箭竿橋方明等破其六營乘勝追奔至廣漢

江原

舊唐志蜀州晉原縣漢江原縣李雄立漢原郡晉為晉

原郡原本脫此句周改為多融縣又改為晉原隋志晉原舊曰江原又

青城縣漢江原縣南齊置齊基縣周改為青城隋志作

元十八年又庚安縣本漢江原縣地實字記皇朝開寶四年改為江原

元和志邛州大邑縣本漢江原縣地咸亨二年割晉水原縣之西界置

經注江水逕江原縣鄒江水出焉華陽志江原縣郡西

渡大江濱文井江去郡一百二十里有青城山實字記在青城

縣西北三十里泰始二年故中軍士王富有罪逃匿密結亡命

刑徒得數百人自稱諸葛都護起臨邛轉侵江原江原

方略吏李高口術縛富道州刺史童策斬之初諸葛瞻

身死失喪或言生走深逃瞻親兵言富貌似瞻故富假

之也太安二年涪陵千餘家依青城山處士范賢自守

雄稱成都王迎范賢爲丞相尊爲天地太師封西山侯

復其部曲軍征不與載記羅尚參軍涪陵徐舉求爲汶

討流尚不許舉怨之求使江西遂降千流說長生等使

資給流軍糧長生從之故流軍復振雄克成都欲迎長

生爲君而臣之長生固辭乃自西山乘輿詣成都雄迎之于門執版延坐拜丞相尊曰范賢宋書劉

道濟傳賊黨江陽人楊孟子領千餘人屯城南道濟參

軍梁儻之投書曉以禍福要使人城孟子入見道濟大  
喜卽板爲主簿遣子爲任克期討賊趙廣知其謀孟子  
懼將所領奔晉原晉原太守文仲興拾合得二千餘人  
與孟子并力自固廣遣袁立子攻晉原爲仲興所殺又  
遣帛氏奴攻之連戰仲興軍敗及孟子并死

繁

元和志成都府新繁縣本漢繁縣地周改爲新繁開皇

三年省

隋志廢人成都

又彭州九隴縣本漢繁縣地舊曰小郫

言土地肥良比之郫縣

華陽志繁縣郡北九十里

水經注江北左對

繁田文翁又穿湔洩以溉灌繁田千七百頃蜀志延熙

十年涼州胡王白虎文治無戴等率眾降衛將軍姜維

迎逆安撫居之於繁縣十七年拔狄道河關開當臨洮

三縣民居於綿竹繁縣寰宇記以移戶于此俗開謂之新繁按李特載記特軍為羅尚

所敗收合餘卒引趣新繁華陽志司馬勝之歷新繁今則新繁已為通稱不始于周華陽志太安

元年羅尚遣督護張龜督四十牙門軍繁城二年尚從

事蜀郡任督載記作任明通鑑作任胤說尚曰特侵暴百姓又分人

眾散在諸村怠沓無備殆天亡特之秋也可告諸村密

剋戰日內外擊之破特必矣尚從之使督宣旨諸村期

二月十日同時討特督先詣特降容觀虛實特問城中

督曰米穀已欲盡但有貨品耳因求省家特與榮信諸

付悉從督督還報尙如期出軍討特諸村亦起大殺特

眾戰記孫阜次德陽特遣蕩督李璜助任臧拒阜尙遣大眾奄襲特營連戰二日眾少不敵特軍大敗尙軍

引還特復追之轉戰三十餘里特軍敗斬特及輔遠破退追及于繁之官桑斬特

及兄輔遠等三月尙遣督護張龜何冲左汜等軍繁城

而綿竹降民藥紳杜阿應尙尙又遣督護常深軍毗橋

去城北六十里爲流驤禦蕩雄攻紳深破驤殺李攀弟恭復爲

主左汜黃閭逼攻特北營營中氏羌符成隗伯石定叛

應汜閭蕩母羅氏擐甲略陳伯手及羅氏傷目壯氣益

烈自晨至日中營垂欲破會流破深蕩雄破紳還適與

汜閭會大破之成伯將其黨突出詣尙蕩策馬追退軍

爲叟長矛所椿死

廣都

通典益州雙流縣漢廣都縣

隋志雙流舊曰廣都

元和志隋仁壽

元年避煬帝諱改

諸葛亮舊居在縣東北八里今謂之葛陌

又廣都縣龍朔

三年別立又陵州貴平縣本廣都縣之東南境後魏于

此立縣華陽志廣都縣郡西三十里有魚池鹽井小井

十數水經注江水東逕廣都縣李冰識察水脈穿縣鹽

井江西有望川原鑿山厓度水結諸陂池故盛養生之

鏡卽南江也蜀志蔣琬傳以州書佐除廣都長先主嘗

因游觀奄至廣都見琬眾事不理時又沈醉先主大怒

將加罪戮軍師將軍諸葛亮請曰蔣琬社稷之器非百里之才先主雅敬亮乃不加罪倉卒但免官而已華陽志建興十四年武都氏王符健請降將軍張尉迎之過期不至大將軍琬憂之牙門將巴西張嶷曰健求附款至必無他聞健弟獠不能同功各將乖離是以憎耳健弟果叛就魏健率四百家隨尉居廣都縣

### 臨邛

元和志邛州臨邛縣本漢縣又安仁依政

公孫述爲導江卒正治臨

邛謂此城也

臨溪火井蒲江五縣皆漢臨邛縣地華陽志臨

邛縣郡西南二百里有火井

元和志廣五尺深三丈在縣南一百里

夜時

光映上照民欲其火光以家火投之頃許如雷聲火焰  
出通耀數十里以竹筒盛其光藏之可携行終日不滅  
井有二水取井火煮之一斛水得五斗鹽家火煮之得  
無幾也蜀志章武三年漢嘉太守黃元進兵攻臨邛縣  
遣將軍陳胥討元元軍敗順流下江爲其親兵所縛洪楊  
傳元素爲諸葛亮所不善聞先主疾病懼有後患舉郡  
反燒臨邛城時亮東行省疾成都軍虛洪卽啟太子使  
將軍陳胥鄭綽討元眾議以爲元若不能圍成都當由  
越巂據南中洪曰元素性凶暴無他恩信何能辦此不  
過乘水東下冀主上平安面縛歸死如其有異奔吳求  
治耳敕胥綽但于南安峽口遮卽便得矣胥綽承洪言  
果生獲元

蒯氏道

方輿紀要湔氏廢縣在茂州西北

按蜀立都安縣晉志改湔氏道爲升遷屬

汶山郡後乃省入郫縣故諸地志皆以導江縣爲郫縣地而湔氏故名遂不復見

華陽志李冰

爲蜀守冰能知天文地理爲汶山爲天彭門乃至湔氏

縣見兩山對如闕因號天彭關冰乃壅江作壩穿郫江

檢江別支流雙過郡下以行舟船岷山多梓柏大竹類

隨水流坐致竹木乃自湔壩上分穿羊摩江灌江西於

玉女房下白沙郵作三石人立三水中與江神要水竭

不至足盛不沒肩水經注江水自天彭關東逕汶關歷

氏道縣北後爲昇遷縣江水又歷都安縣縣有桃關

元和

志故桃關立茂州汶川縣南八十二里遠通西域公私經過惟此一路關北當風穴其一二里中晝夜起風飛

沙揚石

李冰作大堰于此壅江作壩壩有左右口謂之湔

蜀志建興十四年後主至湔登觀阪看汶水之流華陽

志泰始十年汶山白馬胡恣縱掠諸種刺史皇甫晏表

出討之別駕從事王紹等固諫不從典學從事何旅諫

曰胡夷相殘戎虜之常未爲大患而盛夏出軍水潦將

降必有疾疫宜須秋冬圖之未晚晏不聽遂西行靡入

營中軍占以爲不祥晏不悟胡康燒香

通鑑作胡康木子燒香

言

軍出必敗晏以爲沮眾斬之夏五月軍至都安屯觀阪

上旅復諫曰今所安營地名觀阪自上觀下反上之象

徵不吉昔漢祖悟柏人以免難岑彭惡彭亡而不去遂

張儀等以汶山道險心畏胡之強晏復懷諫遂引牙門  
張弘督張衡等反殺晏眾夜亂不知所爲惟兵曹從事  
健爲楊倉彎弓力戰射百餘發維眾擊之盡見殺

### 汶江道

元和志茂州汶山縣本漢汶江縣地晉改爲廣陽縣開

皇十八年改爲汶山縣

隋志汶山舊曰廣陽

又石泉縣本漢汶江

縣地貞觀八年置

寰宇記漢汶江縣故城在今汶山縣北二里晉置廣陽縣在西北五百五

十里晉末廢今不詳其處所梁又立

又維州本名姜維

城武德四年白狗羌首領內附于姜維城置維州以統

之水經注江水又逕汶江道汶出徼外嶧山西玉輪坂  
下南行又東逕其縣而東注于大江坡蘇代告楚曰蜀  
地之甲浮船于汶乘夏水而下江五日而至郢謂是水  
也又有湔水入焉蜀志姜維傳延熙十年汶山平康夷

反維率眾討定之按晉志汶山郡有平康縣蓋立郡時  
蜀置也元和志當州平康縣顯慶中

因古平康城置在平康水西寰宇記江源記云平康縣  
羊膊山下有二神湫乃大江所發之處自羊膊嶺散漫

殆未濫觴東南百餘里至白馬嶺迴行二十餘里至石鏡馬忠傳督將軍張疑等討

汶山叛羌益部耆舊傳曰疑受兵馬三百人隨馬忠討  
叛羌疑別督數營在先至他里邑所在高峻

羌丁要厄作石門于門上施牀積石于其上過者下石  
隨擊之無不糜爛疑度不可攻乃使譚告曉之曰汝汶

山諸種反叛傷害良善天子命將討滅惡類汝等若稽  
謝過軍資給糧費福祿永隆其報百倍若終不從大兵

攻許雷擊電下雖追悔之無益也耆師得命即出詣疑  
給軍資糧過軍前討餘種餘種聞他里已下悉恐怖失  
所或降或竄

八陵

八陵是蠡  
陵之謠

元和志翼州衛山縣本漢蠡陵縣地周武帝于此置翼

針縣天寶元年改為衛山縣

周武帝天和七年割蠡陵  
差于七頃山下置翼州以

翼針溪  
為名

又翼水峨和二縣皆蠡陵縣地

通典漢蠡陵縣  
故城在今翼水

縣又當州靜州本漢蠡陵縣地水經注益州記曰白白

馬嶺回行二十餘里至龍涸

元和志龍涸故城在  
衛山縣北十一里

又八

十里至蠡陵縣又南下六十里至石鏡又六十餘里而

至北部華陽志泰始七年汶山守兵呂臣等殺其督將

以叛族滅之初蜀以汶山西五郡北逼陰平武都故于險要置守自汶江龍鶴丹驪白馬氏種五圍皆置修屯牙門晉初以御夷徼因仍其守

廣柔

舊唐志茂州通化縣漢廣柔縣地通典漢廣柔縣故城在茂州汶川縣西元

和志縣西七十二里有石紐邑禹所生處今其地名列兒坪後周置石門鎮隋改爲

金川鎮尋改爲通化隋志開皇初置曰金川仁壽初改元和志縣城累石爲城去地百餘

丈華陽志元康六年汶山興樂縣黃石北地盧水胡成

豚堅安角成明石等與廣柔平康文降劉紫利羌有讐

遂與蚌峒羌郅逢等數千騎劫縣令求助討紫利太守

楊邠捷殺豚堅而降其餘類遂叛殺長吏冬西夷校尉  
麴炳表出軍遣牙門將孫眺爲督護萬人征之戰于長  
安大爲胡所破

縣虎道

舊唐志茂州汶川縣漢縣虎縣地

隋志後周置汶山郡開皇初郡廢水

經注湔水出縣虎道亦曰縣虎縣之玉壘山下注江

水又東別爲沱開明之所鑿郭景純所謂玉壘作東別

之標者也縣卽汶山郡治劉備之所置

按晉志晉治汶山縣渡江

有竿橋

元和志繩橋在縣西北三里架大江水筏竿四條以葛藤緯絡布板其上雖從風搖動而牢固

有餘夷人驅牛馬去來無懼今按其橋以竹爲索欄六尺長十步

後漢書疏證卷二十三終